



**JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

**SYARAT-SYARAT LESEN IMPORT IKAN SEGAR / SEJUK
DI BAWAH BAB 8 (1) PERINTAH PERIKANAN, 2009**

1. Pengimport hendaklah berdaftar dengan Jabatan Perikanan, Kementerian Sumber-Sumber Utama dan Pelancongan, Negara Brunei Darussalam.
2. Pengimport hendaklah mempunyai lesen import ikan segar / sejuk yang sah dikeluarkan oleh Jabatan Perikanan, Kementerian Sumber-Sumber Utama dan Pelancongan, Negara Brunei Darussalam.
3. Pengimport hendaklah mematuhi perundangan dan peraturan-peraturan Kementerian Kesihatan, Jabatan Kastam dan Eksais DiRaja, Pihak Berkuasa Maritim dan Pelabuhan Negara Brunei Darussalam, Jabatan Pengangkutan Darat, Jabatan Imigresen dan Pendaftaran Kebangsaan dan sebarang undang-undang bertulis lain yang berkenaan.
4. Pengimport tidak dibenarkan untuk mengimport ikan-ikan segar / sejuk seperti berikut :
 - a. ikan-ikan kecil seperti aur-aur, tamban, rumahan, temanong, selidai, sanglar, geronggong, basong-basong, pusu, temanong besurat, kuasi dan semua jenis kerang-kerangan dari kawasan-kawasan yang terjejas oleh kejadian air kemerah-merahan termasuk Negeri Sabah, Wilayah Persekutuan Labuan, Lawas, Punang, Sundar, Awat-Awat dan Limbang;
 - b. ikan-ikan yang ditangkap dengan menggunakan bahan-bahan letupan, kimia, racun termasuk tuba, alat-alat tegahan seperti senapang tempuling (*spear gun*) dan peranti menggunakan elektrik atau bateri;
 - c. semua spesies ikan yu; dan
 - d. sebarang spesies ikan yang ditentukan oleh Pengarah Perikanan seperti Lampiran.
5. Spesies ikan yang didatangkan hendaklah termasuk di dalam spesies ikan yang disenaraikan oleh pengimport dalam permohonan lesen import ikan yang telah dibenarkan.
6. Pengimport hendaklah mematuhi langkah-langkah kawalan penyakit ikan yang ditetapkan oleh Jabatan Perikanan.
7. Ikan segar / sejuk yang diimport yang berasal daripada sumber ladang ternakan ikan mestilah dari pembekal yang dibenarkan oleh Jabatan Perikanan, Negara Brunei Darussalam.



**JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

8. Pengimport hendaklah memastikan semua konsainan memenuhi syarat-syarat pengendalian dan pembungkusan ikan segar / sejuk yang ditetapkan oleh Jabatan Perikanan.
9. Setiap konsainan ikan segar / sejuk yang diimport yang berasal daripada sumber ladang ternakan ikan mestilah mempunyai Sijil Kesihatan yang dikeluarkan oleh Pihak Berkuasa Kompeten negara pengeksport atau Laporan Analisa Makmal yang dikeluarkan oleh makmal yang diiktiraf oleh Negara pengeksport jika berkenaan serta hendaklah menyatakan seperti berikut :
 - a. Selamat untuk makanan manusia; dan
 - b. Bebas dari penyakit ikan yang disenaraikan oleh *World Organisation for Animal Health (OIE)* di dalam laman sesawang www.oie.int;
10. Sijil Kesihatan hendaklah menyatakan nama pengimport dan adalah sah untuk digunakan dalam tempoh 30 hari dari tarikh ianya dikeluarkan.
11. Pengimport hendaklah membenarkan Jabatan Perikanan untuk mendapatkan sampel ikan segar / sejuk yang diimport dalam mana-mana jumlah yang munasabah secara percuma bagi tujuan penganalisan dan pemantauan penyakit jika diperlukan.
12. Pengimport hendaklah memaklumkan ke Jabatan Perikanan tarikh dan masa pengimportan ikan segar / sejuk bagi tujuan pemeriksaan dan pengambilan sampel jika dikehendaki.
13. Pengimport hendaklah memberikan maklumat-maklumat setiap pengimportan ikan segar / sejuk ke Jabatan Perikanan bagi tujuan rekod simpanan dan rujukan jika dikehendaki oleh Jabatan Perikanan.

Nota :-

- Jika pengimport didapati tidak menepati syarat-syarat lesen pengimportan dan diarahkan melupuskan ikan-ikan segar / sejuk yang diimport, segala perbelanjaan, pengangkutan dan tenaga manusia bagi pelupusan tersebut adalah ditanggung sepenuhnya oleh pengimport.
- Bayaran lesen import ikan segar / sejuk adalah B\$20.00 bagi setiap konsainan.
- Permohonan dan pembayaran lesen import ikan segar / sejuk hendaklah melalui sistem *Brunei Darussalam National Single Window (BDNSW)* (bdnsw.gov.bn) dengan menyertakan Sijil Kesihatan yang dikeluarkan oleh Pihak Berkuasa Kompeten negara



**JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

pengeksporth atau Laporan Analisa Makmal yang dikeluarkan oleh makmal yang diiktiraf oleh Negara pengeksporth jika berkenaan.

- Semua dokumen yang dikemukakan oleh Pengimport hendaklah dalam atau diterjemahkan ke dalam Bahasa Melayu atau Inggeris.
- Setiap lesen import ikan segar / sejuk yang dikeluarkan oleh Jabatan Perikanan hanya sah bagi satu konsainan sahaja dan akan mansuh selepas satu bulan dari tarikh ianya dikeluarkan.
- Semua kos penilaian bagi kebenaran pembekal dari negara pengeksporth yang dilaksanakan oleh Jabatan Perikanan hendaklah ditanggung oleh Pengimport.
- Pegawai-Pegawai Yang Diberikuasa boleh menahan atau memeriksa mana-mana konsainan ikan segar / sejuk yang diimport pada bila-bila masa yang difikirkan perlu.
- Pengarah Perikanan berhak menegah pengimportan mana-mana spesies ikan atau ikan yang berasal dari tempat-tempat tertentu mengikut keperluan langkah-langkah biosekuriti.
- Syarat-syarat lain adalah seperti yang dikuatkuasakan di bawah Perintah Perikanan, 2009 dan Peraturan-Peraturan Perikanan yang berkuatkuasa pada masa ini.
- Pengarah Perikanan berhak untuk menambah atau mengubah syarat-syarat ini mengikut keperluan dari masa ke semasa dan berhak untuk membatalkan lesen import ikan segar / sejuk yang telah dikeluarkan.
- Sebarang perubahan kepada syarat-syarat ini akan dimaklumkan dari masa ke semasa.
- Kegagalan mematuhi Syarat-Syarat Lesen Import Ikan Segar / Sejuk adalah merupakan satu kesalahan jenayah dan boleh diambil tindakan di bawah Perintah Perikanan, 2009 dan jika sabit kesalahan boleh dikenakan denda sehingga \$10,000 atau penjara satu (1) tahun atau kedua-duanya sekali.



**JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

Saya dengan ini bersetuju dengan syarat-syarat yang tersebut di atas.

Nama : _____

Jawatan : _____

Syarikat dan Alamat : _____


No. Kad Pengenalan : _____

No. Telefon : _____ (ofis) _____ (hp) _____ (fax)

Emel : _____

Tandatangan : _____

Tarikh : _____



UNTUK KEGUNAAN PEJABAT


Pegawai Yang Diberikuasa :

Nama : _____

Jawatan : _____

Tandatangan : _____

Tarikh : _____





**JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

SENARAI SPESIES IKAN YANG DITEGAH UNTUK DIIMPORT OLEH JABATAN PERIKANAN